

漢禮器制度  
漢官舊儀

伏侯古今注附補遺  
漢獨斷  
儀



伏  
侯  
古  
今  
注

附補  
遺

伏無忌撰  
荻洋林輯

中  
華  
書  
局

# 伏侯古今注

帝號

光武帝秀

秀之字曰茂。後漢書光武帝紀注。

孝明帝莊

莊之字曰嚴。後漢書孝明帝紀注。

孝章帝烜

烜之字曰著。後漢書孝章帝紀注。

孝和帝肇

肇之字曰始。後漢書孝和帝紀注。

案李賢漢書注引古今注云。伏侯。肇、音兆。許慎說文。肇音火可反。上諱也。伏侯。許慎、並漢時人。而帝諱不同。蓋應別有所據。何義門讀書記云。案今徐鼎臣所校定說文。直去火可之音。又無一語證明。後此字。亦遂仍之。恐味多聞闕疑之意。

孝殤帝隆

伏侯古今注

伏候古今注

隆之字曰盛。後漢書孝  
帝紀注。

孝安帝祐

祐之字曰福。後漢書孝  
安帝紀注。

孝順帝保

保之字曰守。後漢書孝  
順帝紀注。

孝沖帝炳

炳之字曰明。後漢書孝  
沖帝紀注。

孝質帝纘

纘之字曰繼。後漢書孝  
質帝紀注。

陵寢

光武原陵。山方三百二十三步。高六丈六尺。垣四出。司馬門、寢殿、鐘虞皆在周垣內。提封田十二頃五十

七畝八十五步。後漢書禮  
儀志注。

明帝顯節陵。山方三百步。高八丈。無周垣。爲行馬四出。司馬門、石殿、鐘虞在行馬內。寢殿園省在東。園寺吏舍在殿北。提封田七十四頃五畝。同上。

章帝敬陵。山方三百步。高六丈二尺。無周垣。爲行馬四出司馬門。石殿鐘虡在行馬內。寢殿園省在東。園寺吏舍在殿北。提封田二十五頃五十五畝。同上。和帝紀注引。敬陵周三百步。高六丈二尺。

和帝慎陵。山方三百八十步。高十丈。無周垣。爲行馬四出司馬門。石殿鐘虡在行馬內。寢殿園省在東。園寺吏舍在殿北。提封田三十一頃二十畝二百步。同上。

殤帝康陵。山周二百八步。高五丈五尺。行馬四出司馬門。寢殿鐘虡在行馬中。因寢殿爲廟。園寺吏舍在殿北。提封田十三頃十九畝二百五十步。同上。

安帝恭陵。山周二百六十步。高十五丈。無周垣。行馬四出司馬門。石殿鐘虡在行馬內。寢殿園寺吏舍在殿北。提封田一十四頃五十六畝。同上。

順帝憲陵。山方三百步。高八丈四尺。無周垣。爲行馬四出司馬門。石殿鐘虡在司馬門內。寢殿園省吏舍在殿東。提封田十八頃十九畝二十步。同上。

冲帝懷陵。山方百八十三步。高四丈六尺。爲寢殿行馬四出門。園寺吏舍在殿東。提封田五頃八十畝。同上。實帝紀注引。懷陵高四丈六尺。周百八十三步。

質帝靜陵。山方百三十六步。高五丈五尺。爲行馬四出門。寢殿鐘虡在行馬中。園寺吏舍在殿北。提封田十二頃五十四畝。因寢爲廟。同上。

光武崩附

中元二年崩。是歲在丁巳。後漢書光武帝紀注。

祭祀

光武建武二年正月立高廟於雒陽。校官立之。後漢書祭祀志注。通典禮九。玉海九十七。一百十一。

十八年七月使中郎將耿遵治皇祖廟舊廬稻田。後漢書同上。玉海一百七十六。

二十一年二月乙酉徙立社稷上東門內。後漢書同上。玉海九十九。

章帝元和三年初爲郡國立稷及祠社靈星禮器也。後漢書注同上。玉海九十九兩引。

漢制

高帝七年羣臣始朝十月。史高祖紀。索隱。

武帝常以春分行部郡國各遣一吏迎界上。後漢書百官志注。

武帝天漢四年令諸侯王大臣朱輪特虎居前左咒右麋小國朱輪畫特熊居前寢殿居左右。後漢書與照玉海七十八。通典禮二十五引。惟小國下無朱輪畫三字。疑誤作麋皆。

成帝鴻嘉二年令民得買爵級千錢。後漢書百官志注。

光武建武六年三月令郡太守諸侯相病承長史行事。通典禮官十五。後漢書注同上。

八月省都尉官。後漢書注同上。玉海一百三十七。

初令關內侯食邑者奉月二十五斛。後漢書注同上。玉海一百三十四。

八年立春賜東帛公十五匹卿十匹。後漢書禮儀志注。御覽二十注引建武八年立春勅賜公卿十匹卿七匹也。

十三年初令長皆小冠。後漢書與服志注。

九月初開平城門。後漢書百官志注。玉海一百六十九。

十四年封孔子後志爲褒城侯志時爲密令。後漢書光武紀注。案漢書注引古今志。疑志卽古今注也。故併載之。

罷邊郡太守丞長吏領丞職。後漢書百官志注。

二十年四月庚辰大司徒戴涉坐入故太倉令奚涉罪下獄死。後漢書光武紀注。

二十六年四月戊戌增吏奉。後漢書百官志注。

王應麟曰。漢紀云正月。古今注云四月戊戌。未知孰是。或以爲正月下詔。四月定制。又據後百官志載百官受奉例。更引古今注。云以此詔參之。比六百石。月五十斛。此增其五斛。四百石四十五斛。此各增其五斛。所謂

增者止此。他皆舊數。

明帝永平元年六月乙卯初令百官羶臙白幕皆霜。後漢書禮儀志注。

二年十一月初作北宮朱爵南司馬門。後漢書百官志注。

十五年更作太尉司徒司空府開陽城門內。後漢書注同上。

王應麟曰。漢宮掖七門。古今注載二門。其餘日月皆靡記。

伏侯古今注

章帝建初七年七月，爲大司農置丞一人，秩千石，別主帑藏。

後漢書注同上。

和帝永元三年七月，增尙書令史員功滿，未嘗犯禁者，以補小縣墨綬。

後漢書注同上。玉海一百二十三引：無未嘗犯禁者以六字。

十二年，封思王鈞弟番爲陽都鄉侯，千秋爲新平侯，參爲周亭侯，壽爲樂陽亭侯，寶爲博平侯，旦爲高亭

侯。

後漢書孝明八王傳注。

安帝永初六年正月甲寅，皇太后率大臣命婦謁宗廟。

後漢書安帝紀注。

建光元年，置漁陽營兵千人。

同上。

順帝永和三年，初與河南尹及雒陽員吏四百二十七人奉月四十五斛。

後漢書百官志注。

漢安元年七月，置承華廳令，秩六百石。

後漢書注同上。玉海一百二十三：一百四十八。



# 伏侯古今注

天文

光武建武六年九月丙戌月犯太微西藩十一月辛亥月犯軒轅後漢書天文志注

七年九月庚子土入鬼中同上

八年三月庚子夜月暈五重紫微青黃似虹有黑氣如雲月星不見丙夜乃解後漢書五行志注

茲輯凡於帝號年號爲諸書引注文所有者僅載前一事如此條刪光武建武四字是也餘不復贅其有改元年號則併載之其原引帝號年號無明文者則併依漢書增入其有帝號無年號者則增年號有年號無帝號者則增帝號其中或有月日語意未完斷者亦間依漢書增入數字非敢妄加附會也

十年正月壬戌月犯心後星閏月庚辰火入輿鬼過軫北庚申月在斗赤如丹後漢書天文志注

十二年正月丁丑月乘軒轅大星二月辛亥月入氏暈珥闔角亢房七月丁丑月犯昂頭兩星八月辛酉

水見東方翼分九月甲午火犯輿鬼十月丁卯大星流有光發東井西行聲隆隆同上

十三年二月乙卯火犯輿鬼西北同上

十六年四月土星逆行同上

十七年三月乙未火逆行從東門入太微到執法星東己酉南出端門同上

十八年十二月壬戌月犯木星。同上。

十九年閏月戊申火逆行從氏到亢。同上。

二十一年七月辛酉火入畢。同上。

二十三年三月癸未月食火星。同上。

三十一年七月戊申月犯心後星。同上。

中元元年三月甲寅月犯心後星。同上。

明帝永平元年閏九月辛未火在太微左執法星所光芒相及十一月辛未土逆行乘東井北軒轅第二星。同上。

二年十二月戊辰月食火星。同上。

三年六月丁卯彗長三尺所見三十五日乃去。後漢書明帝紀注。

七年三月庚戌客星光氣二尺所在太微左執法南端門外凡見七十五日。後漢書天文志注。

八年十二月戊子客星出東方。同上。

九年正月戊申客星歷斗建箕房過角亢至翼芒東指。同上。

十年七月甲寅月犯歲星。同上。

十一年六月壬辰火犯土星。同上。

十三年十一月客星出軒轅四十八日十二月戊午月犯水星同上。

十一年正月丁未月犯房同上。

章帝建初元年二月甲申金入斗魁同上。

五年二月戊辰木火具在參三月戊寅木水在東井同上。

六年七月丁酉夜有流星起軒轅大如拳歷文昌餘氣正白句曲西如文昌久久乃滅同上。

和帝永元元年正月辛卯流星大如拳起參東南癸亥鎮在參又流星大如桃色赤起大微東藩三月戊

子土在參丙辰流星大如桃起天津東至斗黃白頻有光壬戌流星起天將軍東北色黃無光十一月壬

申鎮星在東井同上。

二年正月丙寅水在奎土在東井金在婁木火在昴三月甲子火在亢南端門第一星南乙亥金在東井

四月丁丑火在氐東南星東南同上。

五年正月甲戌月乘歲星四月木在輿鬼同上。

六年六月丁亥金在東井閏月己丑流星大如桃起參北西至參肩南稍有光同上。

八年九月辛丑夜有流星大如拳起婁同上。

十一年六月庚辰月入畢中同上。

十三年正月辛未水乘輿鬼十二月癸巳犯軒轅大星同上。

十四年正月乙卯月犯軒轅在太微中二月十日丁酉水入太微西門十一月丁丑有流星大如拳起北斗魁中北至閣道稍有光色赤黃須臾西有雷聲同上

殤帝延平元年七月甲申月在南斗中同上

安帝永初二年四月乙亥月入南斗魁中八月己亥熒惑出入太微端門同上

三年三月壬寅熒惑入輿鬼中五月丙寅太白入畢中同上

四年二月丙寅月犯軒轅大星同上

元初六年星盡見後漢書五行志注

延光元年四月丙午太白晝見後漢書天文志注

四年四月甲辰太白入輿鬼中同上

順帝永建元年二月甲午客星入太微五月甲子月入斗同上

二年二月丁巳月犯心七月丁酉犯昴九月戊寅有白氣廣三尺長十餘丈從北落師門南至斗同上

三年二月癸未月犯心後星六月甲子太白晝見同上

四年二月癸丑月犯心後星同上

五年閏月庚子太白晝見同上

六年彗星出於斗牽牛滅於虛危虛危爲齊牽牛吳越故海賊浮於會稽山賊捷於濟南五月夏熒惑守

氏諸侯有斬者。是冬。班始腰斬馬市。同上。

陽嘉二年四月壬寅。太白晝見。五月癸巳。又晝見。十一月辛未。又晝見。十二月壬寅。月犯太白。同上。  
三年十二月辛未。太白晝見。同上。

四月乙卯。太白熒惑入輿鬼。同上。

按漢書順帝紀。陽嘉四年後改元永和。天文志注引古今注。年失載。其云四月乙卯。在陽嘉三年十二月之後。永和元年之前。自當是四年四月事。備。

永和元年五月丁卯。太白犯牽牛大星。同上。

二年九月壬午。月入畢口中。同上。

三年八月己酉。熒惑入太微。十二月丁卯。月犯軒轅大星。同上。

六年五月庚寅。太白晝見。十一月甲午。太白晝見。同上。

漢安元年二月壬午。歲星在太微中。八月癸丑。月犯南斗。入魁中。同上。

冲帝建康元年九月己亥。太白晝見。同上。

質帝本初元年三月丁丑。月入南斗。同上。

### 郡國

光武建武十一年十月。西河上郡屬魏。後漢書郡國志注。

十八年。使中郎將耿遵。築春陵城。同上。玉海一百七十三兩引。

二十七年代郡屬幽州。後漢書注同上。

明帝永平十年作常山浮沱河蒲吾渠通漕船也。同上。

十年置益州西部都尉治舊唐鎮尉哀牢人樸榆蠻夷。同上。西南夷列傳注。

劉盆子附

赤眉賊立劉盆子於鄭北在枯椏山下。後漢書郡國志注。

伏無忌記戶口及墾田大數附

光武中元二年戶四百二十七萬九千六百三十四口二千一百萬七千八百二十。後漢書郡國志注。

明帝永平十八年戶五百八十六萬五千七百七十二口三千四百一十二萬五千二十一。同上。

章帝章和二年戶七百四十五萬六千七百八十四口四千三百三十五萬六千三百六十七。同上。

和帝永興元年戶九百二十三萬七千一百一十二口五千三百二十五萬六千二百一十九。墾田七百三十二萬一百七十頃八十畝百四十步。同上。

安帝延光四年戶九百六十四萬七千八百三十八口四千八百六十九萬七百八十九。墾田六百九十四萬二千八百九十二頃一十三畝八十五步。同上。

順帝建康元年戶九百九十四萬六千九百一十九口四千九百七十三萬五千五百五十。墾田六百八十九萬六千二百七十一頃五十六畝一百九十四步。同上。

九萬六千二百七十一頃五十六畝一百九十四步。同上。

章帝建初二年夏，雒陽旱。同上。

四年夏旱。同上。

元和元年春旱。同上。

和帝永元二年，郡國十四旱。同上。

十五年，丹陽郡國二十二並旱，或傷稼。同上。

安帝永初元年，郡國八旱，分遣議郎請雨。同上。

三年，郡國八旱。同上。

四年夏旱。同上。

五年夏旱。同上。

建光元年，郡國四旱。同上。

延光元年，郡國五旱，傷稼。同上。

沖帝本初元年二月，京師旱。同上。

火

光武建武六年十二月，雒陽市火。後漢書五行志注。

二十四年正月戊子，雷雨霹靂，火災高廟北門。同上。

明帝永平元年六月己亥。桂陽見火飛來燒城寺。同上。

章帝建初元年十二月。北宮火。燒壽安殿。延及右掖門。同上。

元和三年六月丙午。雷雨。火燒北宮朱爵西闕。同上。

安帝永初元年十二月。河南郡縣火。燒殺百五人。同上。

二年。河南郡縣又失火。燒五百八十四人。同上。

順帝永建三年五月戊辰。守宮失火。燒宮藏財物盡。同上。

四年。河南郡失火。燒人及畜。同上。

陽嘉元年十二月。河南郡國火。燒廬舍殺人。同上。

永和六年十二月。雒陽酒市失火。燒肆殺人。同上。

漢安元年三月甲午。雒陽失火。火或從室屋間物中。不知所從起。數月乃止。十二月。雒陽失火。同上。

### 水

光武建武四年。東郡以北傷水。後漢書五行志注。

七年六月戊辰。雒水盛溢。至津城門。帝自行水。宏農都尉治折爲水所漂殺。民溺傷稼。壞廬舍。同上。

二十四年六月丙申。沛國睢水逆流。一日一夜止。同上。

章帝建初八年六月癸巳。東昏城下池水變赤如血。同上。



安帝延平六年河東水化爲血御覽五十九

元初二年潁川襄城流水化爲血後漢書五行志注御覽五十九引作水化爲血不流

雨

光武建武六年九月大雨連月苗稼更生鼠巢樹上後漢書五行志注

十七年雒陽暴雨壞民廬舍壓殺人傷害禾稼同上

雹

光武建武十年十月戊辰樂浪上谷雨雹傷稼後漢書五行志注

十二年河南平陽雨雹大如杯壞敗吏民廬舍同上

十五年十二月乙卯鉅鹿雨雹傷稼同上

和帝永平三年八月郡國十二雨雹傷稼同上

十年郡國十八或雨雹蝗同上

安帝元初四年樂安雹如杆殺人同上

順帝永建三年郡國十二雨雹同上

六年郡國十二雨雹傷秋稼同上

蝗